


欽定四庫全書

子部

赤水元珠卷二十二



南京中医药大学图书馆版权所有

詳校官太醫院恩糧孔毓秀

編修臣倉聖脈覆勘

欽定四庫全書

赤水元珠卷二十二

妊娠煩燥口乾

明孫一奎撰

足太陰脾之經其氣通於口手少陰心之經其氣通於舌若臟腑不調氣血不和以致內熱乘於心脾津液消燂故心煩口乾也與子煩大同小異宜用益母丸即前一味知母丸是也

一妊婦煩熱咽疼用知母散加山梔清肺而愈后又內
熱咳嗽小便自遺用補中益氣加麥門冬山枝以補
肺氣滋腎水而痊

知母散 治煩燥悶亂口乾

知母 麥冬 黃芪炒 子芩炒 赤茯苓 各一錢

甘草

水煎入竹瀝一合再煎一沸服之

人參黃芪散 治身熱煩燥口乾

人參 黃芪炒 葛根 秦艽 赤茯苓 麥冬各一

錢

知母 甘草各五分

右薑三片竹葉十四片水煎服

妊娠風痙子癇

妊娠體虛受風而傷足太陽經遇風寒相搏則口噤背
強甚則腰反張名之曰痙須臾自醒良久復作又名
曰子冒又類子癇

生生子曰風痙乃外邪從足太陽而入有剛柔之分當

從仲景法於傷寒門中求治子癰乃痰涎所致是內臟所生治當分別

薛氏曰若心經風熱用鉤藤湯肝脾血虛加味道遙散肝脾鬱怒加味歸脾湯氣逆痰滯紫蘇飲肝火風熱鉤藤散脾鬱痰滯二陳姜汁竹瀝若兼症相雜看所兼重輕分治

一妊婦出汗口噤腰背反張時作時止此怒動肝火也用加味道遙散漸愈又用鉤藤散而止更以四君加

鈎藤山梔柴胡而安

一妊婦因怒忽仆地良久而甦吐痰發搐口噤項強用
羚羊角散漸愈更用鈎藤散始痊又用歸脾湯全安
羚羊角散 治妊娘冒悶角弓反張及子癇子冒風瘕
等症

羚羊角 獨活 酸棗仁炒 五加皮 防風

川芎 苡仁炒 川歸洗 杏仁去皮 茯神各五分

炙甘草 木香各二分

右薑水煎服

鈎藤湯

方見胎動不安卷

雲箕子葛根湯 妊娠臨月因發風瘕忽悶憤不識人

吐逆眩倒併治子癰

葛根 貝母 丹皮 防風 川歸 川芎 茯苓

桂心 澤瀉 甘草 各一兩 獨活 石膏 人參 各三

兩

右以水九升煮取三升分作三服 貝母令人易

產未臨月升麻代之此症多由風寒濕乘虛而感
皆從太陽經治

活人獨活防風湯 治太陽有汗名柔症

桂枝 獨活 防風 各一兩 芍藥 三兩 甘草 半兩

右每服一兩水煎溫服

防風葛根湯 治太陽無汗名曰剛症

葛根 四兩 麻黃 三兩 芍藥 防風 各二兩 桂枝 一兩

每服一兩先煮麻沸去上沫入餘藥同煎溫服

妊娠瘕瘕

瘕者筋脉急而縮也瘕者筋脉緩而伸也一縮一伸手足相引搐搦不已大抵與嬰孩發搐相似此症多屬風風主搖動駱龍吉云心主脉肝主筋心屬火肝屬木木主風風火相熾則為瘕瘕也 治法若因風熱用鉤藤湯加柴胡山梔黃芩白朮以平肝木降心火養血氣若風痰上壅加竹瀝南星半夏若風邪急搐加全蝎僵蠶氣血虧損用八珍湯倍加鉤藤山梔若

抽搐無力戴眼反折汗出如珠者肝氣絕也皆不治
薛氏治一妊婦四肢不能伸服祛風燥濕之劑遺屎痰
甚四肢抽搐乃肝火血燥用八珍湯倍加炒黑黃芩
佐以鉤藤湯而安後因怒前症復作小便下血寒熱
少寐飲食少思用鉤藤散加山枝柴胡而血止續用
加味道遙散寒熱退而得寐用六君子湯加芍藥鉤
藤飲食進而漸安

鉤藤散 治肝厥頭暈

鉤藤鈎 陳皮炒 半夏 麥冬 茯苓 茯神

人參 甘菊

防風

錢各一

炙甘草

三分

石膏

錢煨二

薑三片水煎服

妊鬼胎

人由臟府失調血氣不充營衛虛損則精神衰弱而鬼魅之類得以乘之亦如懷妊之狀故名曰鬼胎也

薛氏曰一婦經閉八月肚腹漸大面色或青或黃用胎症之藥不應薛診視之曰面青脉濡寒熱往來肝經

血病也面黃腹大食少體倦脾經血病也此鬱怒傷
肝脾之症非胎也不信仍用胎劑無功乃與加味歸
脾湯逍遙散各二十餘劑諸症稍愈彼欲速效別服
通經丸一服下血昏潰自汗惡寒手足俱冷嘔逆不
食用人參炮薑二劑漸愈又用十全大補湯五十餘
劑而安

治此症大抵要看虛實實者可攻涉虛者必於補中兼
消而佐以雄黃丸之類行而散之

雄黃丸 治鬼胎瘀血腹痛

雄黃 鬼白去毛 莽草 丹砂 巴霜 獺肝炙黃各半

兩 蜥蜴炙一枚 蜈蚣炙一條

右為末蜜丸梧子大每服二丸空心溫酒下日二

服或下蛇蟻之類

治鬼胎及血氣痛不可忍

斑蝥去頭翅足 延胡索炒等分

為末溫酒下五分以去穢物為度空心服

斬邪丹 治鬼胎大如抱甕

吳茱萸 川烏 秦艽 柴胡 殭蠶 芫花 醋炒

巴戟 巴仁

各一兩

為末蜜丸梧子大每服七丸蜜酒下取下惡物

妊娠不語 此名曰瘕

黃帝曰人有重身九月而瘕此為何也岐伯對曰胞之
脉絡絕也帝曰何以言之岐伯曰胞絡者繫於腎少
陰之脉貫腎繫舌本故不能言帝曰治之奈何岐伯

曰無治也當十月復

此至人窮理之言患此者當靜以待之不必驚惶而亂投劑十月分娩後當自語也

妊娘傷寒熱病防損胎

良方曰非節之氣傷於妊娘熱毒侵損胞胎若不早治

多致墮胎漏血則子母之命亦不能全矣

薛氏曰此亦當分六經為主相參而治

妊娘傷寒身痛壯熱

葱白

一升

前胡

葛根

石膏

各二兩半

青黛

一兩半

升麻 二兩 梔子 十二枚

水煎分三服

妊娠傷寒大小便閉結

前胡 二兩半 大黃 石膏 各五兩 山梔 十枚 知母 黃芩

茯苓 生薑 各二兩

水煎分三服

妊娠傷寒發斑忽黑小便如血其胎欲落

山梔 升麻 各四兩 青黛 二兩 生地 四兩 石膏 八兩